

續資治通鑑長編拾補

余撫浙之次年卽命書局刊刻宋李文簡續通鑑長編
逾年書成余旣序而行之矣顧李氏此書於北宋一代
事實雖粲然明備然久罕全本自建隆至治平當時雖
鏤版行世而神宗以下則止寫本流傳世亦罕見我
朝康熙時尙書徐公乾學所呈進者亦惟建隆至治平
殘本而已及乾隆時修四庫全書乃從永樂大典中
輯成五百二十卷然徽欽兩朝則仍佚焉又佚去治平
熙甯元祐紹聖閒九年事讀者憾之余因語局中諸君
子曰朱竹垞太史題楊仲良長編紀事本末云長編所
佚具見楊書以楊書補長編而李書可全楊書之所闕
又以長編補之而楊書亦可全此論實獲我心諸君子
能用斯言以楊書補長編使數百年俄空之書復得完

善非讀史者一快事乎諸君聞之咸樂以從事余乃粗定條例以授黃舉人以周馮舉人一梅濮吉士子潼陳副貢生謨張副貢生大昌王拔貢生崇鼎王廩貢生詒壽倪廩生鍾祥俾分任其事大要以楊氏紀事本末爲主世又有續宋編年資治通鑑一書亦題李燾撰雖眞贗難知異同之處亦多可采則附註其下而凡宋時人文集說部有可參攷者亦附見焉用原書攷異之例也書成付之剞劂使與原書俱傳自是以往李氏長編首尾粗具信乎考北宋遺事者必以此爲淵海矣嗟乎李氏此書世無別本非余力任校刊則數百年後要知不日就散佚以至湮沒無傳而非諸君子與我同志則亦安能使李氏已佚之書復還舊觀且綱羅放失有加於

昔哉因書此於簡端爲李氏此書幸且爲讀李氏書者
幸也光緒七年九月兵部尙書升任陝甘總督浙江巡
撫譚鍾麟序

李文簡續通鑑長編今四庫所輯本有五百二十卷

之多然英宗神宗哲宗三朝事額多放失而徽欽兩朝

則盡闕如恐永樂大典外無書可資補輯惟楊仲良紀

事本末一書悉錄李氏原文而存十之二三惜此書宋

槧無傳四庫書目亦未載其藏書家互相傳鈔者譌

舛滋甚且原佚百十四至百十九卷今又佚五六七卷

亦非完書然欲補長編之佚固舍是末由也光緒六年

孟春浙撫譚公命書局校刊長編俾得通行於世惟不

備不完讀書者不無遺憾細業適提調書局因向湖州

陸觀察借得鈔本紀事本末請於譚公而屬在局襄校

之黃教諭以周王訓導詒壽馮孝廉一梅分輯之閱數

月書未成而王訓導病沒於是濮庶常子潼陳教諭謨

張明經大昌王明經崇鼎倪茂才鍾祥繼之其間或有
未卒業者張明經悉補完之始事於六年九月藏事於
八年五月凡二十月有奇細業復加勘校名之曰續通
鑑長編拾補分爲六十卷授之梓人按李氏意主編年
楊氏意主隸事體例不同詳畧亦異況所佚之六卷正
是靖康時事不得不參考宋遼金三史東都事略以及
編年備要北盟會編靖康傳信錄靖康要錄等書其續
宋編年通鑑雖非李燾真本亦足供采取焉凡用楊氏
原文者單行直書以補李氏之缺其旁采他書者雙行
旁書以補楊氏之缺復以紀事本末不書月朔干支爰
考諸李氏重十朝綱要錢氏大昕四朝朔閏考分注於
逐月之下俾閱者瞭然夫殫竭八九人之心力博稽百

數十種之史書且閱兩年之久而後克成亦可謂勤苦
倍至精嚴不苟矣世有讀李氏書者是書當亦不廢而
楊氏書雖未克刊行已悉載於是其亦可無憾也夫光
緒八年夏六月前書局提調無錫秦緡業序

凡例

一長編舊本散佚從永樂大典錄出之五百二十卷尙
闕治平四年四月至熙寧三年三月又闕元祐八年
七月至紹聖四年三月又闕元符三年二月盡徽欽
二朝楊仲良長編紀事本末悉取李文簡舊文而改
編年爲紀事體今取紀事本末以拾補之其中或已
爲楊氏刪節者考證諸書排比分注餘若岳珂愧鄉
錄程史王應麟困學紀聞董更良書錄王明清玉照
新志揮塵後錄等書或引長編原文或引長編注語
均采輯拾補至文無所見雖瑣瑣大事悉未驛入志
在拾補佚文非敢續其書也

玉照新志引長編紹興三年事一條

欽定四

庫全書總目謂長編至欽宗止不應及高宗
疑或爲長編原注中語也謹以存疑不取

一長編原注及紀事本末原注所錄事實每與前後正文互見今悉據注以補所佚之正文卽注中祇存一二語者亦必輯入其僅云某年月日可考則附注其日干支下以與原文相應他有考證必詳注之

一紀事本末槧本久湮世所傳鈔本如用元祐舊臣等門則有目無書至注中所云北邊西邊等門則并目闕之文中脫誤指不勝屈今凡他書有可考者悉皆校正其文異者則附注存參

一續宋編年資治通鑑舊題李燾編攷古家皆訾爲僞託然宋劉時舉所著之十五卷起高宗訖甯宗實續是書則託名文簡究亦南宋人手筆今據紀事本末以補長編又據是書以證紀事凡文有岐異詳略者

附注本文下紀事未載則低格雙行附月末亦引他書校證之惟其書係元代刊本麻沙殊甚脫誤叢夥且多類及追敘之文故附錄必詳考而分繫之注中引用書名獨此加綫圈者以其書題文簡名也

一長編通例遇事有異同悉於注中引他書以定是非或兼存異說今凡本文與他書有異同者參校辨正附注用文簡舊例也所校正則加綫圈於案字上謹倣聚珍本諸書之例

一紀事本末之注多屬長編原文閒有楊氏所附者今全錄之題曰原注其與本文相屬者則加綫圈若所引用之他段原注則否以清眉目

續資治通鑑長編拾補目錄

卷一

起英宗治平四年四月盡是年七月

上接長編卷二百九

英宗治平四年閏三月

卷二

起英宗治平四年八月盡是年十二月

卷三上

起神宗熙甯元年正月盡是年七月

卷三下

起神宗熙甯元年八月盡是年十二月

卷四

起神宗熙甯二年正月盡是年七月

卷五

起神宗熙甯二年八月盡是年十月

卷六

起神宗熙甯二年十一月盡是十二月

卷七

起神宗熙甯三年正月盡是年三月

下接長編卷二百十

神宗熙甯三年四月

卷八

起哲宗元祐八年七月盡是年十二月

百八十四哲宗元祐八年六月

卷九

起哲宗紹聖元年正月盡是年四月

卷十

起哲宗紹聖元年閏四月盡是年七月

卷十一

起哲宗紹聖元年八月盡是年十二月

卷十二

起哲宗紹聖二年正月盡是年十二月

卷十三

起哲宗紹聖三年正月盡是年十二月

卷十四

起哲宗紹聖四年正月盡是年三月

下接長編卷四百八

十五哲宗紹聖四年四月

卷十五

起哲宗元符三年二月盡是年五月

上接長編卷五百二

十哲宗元符三年正月

卷十六

起哲宗元符三年六月盡是年十二月

卷十七

起徽宗建中靖國元年正月盡是年七月

卷十八

起徽宗建中靖國元年六月盡是年十二月

卷十九

起徽宗崇甯元年正月盡是年六月

卷二十

起徽宗崇甯元年七月盡是年十二月

卷二十一

起徽宗崇甯二年正月盡是年六月

卷二十二

起徽宗崇甯二年七月盡是年十二月

卷二十三

起徽宗崇甯三年正月盡是年四月

卷二十四

起徽宗崇甯三年五月盡是年十二月

卷二十五

起徽宗崇甯四年正月盡是年十二月

卷二十六

起徽宗崇甯五年正月盡是年十二月

卷二十七

起徽宗大觀元年正月盡是年十二月

卷二十八

起徽宗大觀二年正月盡三年十二月

卷二十九

起徽宗大觀四年正月盡是年十二月

卷三十

起徽宗政和元年正月盡是年十二月

卷三十一

起徽宗政和二年正月盡是年十二月

卷三十二

起徽宗政和三年正月盡是年十二月

卷三十三

起徽宗政和四年正月盡是年十二月

卷三十四

起徽宗政和五年正月盡是年十二月

卷三十五

起徽宗政和六年正月盡是年十二月

卷三十六

起徽宗政和七年正月盡是年十二月

卷三十七

起徽宗重和元年正月盡是年八月

卷三十八

起徽宗重和元年九月盡是年十二月

卷三十九

起徽宗宣和元年正月盡是年五月

卷四十

起徽宗宣和元年正月盡是年十二月

卷四十一

起徽宗宣和二年正月盡是年九月

卷四十二

起徽宗宣和二年十月盡是年十二月

卷四十三

起徽宗宣和三年正月盡是年十二月

卷四十四

起徽宗宣和四年正月盡是年七月

卷四十五

起徽宗宣和四年八月盡是年十二月

卷四十六

起徽宗宣和四年正月盡是年四月

卷四十七

起徽宗宣和五年五月盡是年十二月

卷四十八

起徽宗宣和六年正月盡是年十二月

卷四十九

起徽宗宣和七年正月盡是年十一月

卷五十

起徽宗宣和七年十二月盡是月戊午

卷五十一

起徽宗宣和七年十二月己未盡是月

卷五十二

起欽宗靖康元年正月盡是月

卷五十三

起欽宗靖康元年二月盡是月

卷五十四

起欽宗靖康元年三月盡是年六月

卷五十五

起欽宗靖康元年七月盡是年八月

卷五十六

起欽宗靖康元年九月盡是年十月

卷五十七

起欽宗靖康元年十一月盡是月

卷五十八

起欽宗靖康元年閏十一月盡是年十二月

卷五十九

起欽宗靖康二年正月盡是年二月

卷六十

起欽宗靖康二年三月盡是年五月己丑

續資治通鑑長編拾補目錄

續資治通鑑長編拾補卷一

英宗

治平四年四月

案錢大昕四史朔乙卯初御史中丞王

陶等屢言韓琦自嘉祐末專執國柄君弱臣彊乞行退

罷是日陶遂極口詆琦意謂必能逐去既而上不許陶

始失望

紀事本末卷五十七案續宋編年資治通鑑云

意外則韓琦薦引內則郭達還領樞密陶謂用達非先帝

義實難處

琦等云同宋史王陶傳郭達以簽書樞密院宣撫陝

西詔令還都

琦言或亂聖聽願罷達為渭州帝曰達先帝所用今無

罪黜之是章

琦不押文德殿常參班効之又案長編卷二百九治平

四年閏三月

庚子陶乞復用呂大防郭源明執政以為

逼己蓋釁於

彼時已敗

先是御史臺以狀申中書云檢會皇祐編敕應正衙常

朝及橫行竝須宰相立班常朝日輪宰相一員押班尋
常多據贊引官稱宰臣更不過來竊慮上項編敕儀制
別有衝替更不行用伏乞明降指揮時閏三月己丑也
原注己丑三中書不報辛酉中丞王陶因以狀白宰相
月十一日云天子新卽位不應墮廢朝儀又不報陶遂劾奏韓琦
曾公亮不臣至引霍光梁冀等事爲喻斥韓琦驕主之
色過於霍光且言欲保全琦族故劾奏之其略曰琦等
久居重位新輔嗣君忽于官瞻視之庭蔑如房闥艱再
拜表儀之禮重若邱山沮格臺文侮慢風憲宜加顯罰
用肅具僚紀事本末卷五十七原注據會要陶以閏三
得其日耳趙概日錄閏三月十一日呈臺官言宰相合
逐日王文德殿押班呈訖以遇退朝早卽輪正衙押班四
進呈及留身說呈訖可參攷更詳之

甲子韓琦曾公亮再上表待罪詔答不允仍斷來章

本末卷五十九原注琦再上表據琦集及王珪答詔案

東都事略王陶傳神宗頗不悅大臣之專陶乃彈奏宰相

與次相曾公亮奏陳曰白來以前殿退晚及中書聚聽

見客及商議急速公事循例不以前殿班退晚及中書聚聽

臣等遂上韓琦待罪手詔不允宋文鑑卷三十一王珪行

賜宰臣韓琦不赴文德殿立班待罪不允詔云天子之

御正朝久而未講宰相之班百辟後亦從曩鑑臺簡之

忽陳規不邦舜之浸略蓋廷英賜對每踰中昃之吝故宣

德畱班不及大所之謁刻在職之匪解奚引愆而靡甯

宜斥細嫌及大所之謁刻在職之匪解奚引愆而靡甯

用緩素矚

乙丑王陶入對言近彈奏韓琦曾公亮不赴文德殿立

班琦等雖上表待罪而卒不肯赴竝臣言郭逵小人不

堪大用王舉元蔡挺薛向轉官加職次序不當御藥院

內東門司高居簡王中正等當罷免不蒙施行蓋臣才

識愚下言皆非是豈可更處風憲乞罷職除一閒郡臣

實具台重監臺屬合前

卷一

更不敢入臺諫歸私居待罪又申中書乞休韓絳彭思永等例責降韓琦亦屢請罷不許遂在告不出紀事本末卷五

七十

丙寅命翰林學士司馬光為御史中丞紀事本末卷五十七又卷五十二

與王陶兩易其職紀事本末卷五十七又卷五十二

禮部郎中權御史中丞閏三月甲辰溫公以龍圖閣直學士兼侍講為翰林學士

丁卯光入對上諭曰已除卿中丞光曰言職人所憚臣

不敢辭但王陶言宰相不押班竟不赴而陶遽罷言職

雖不押班細故也陶言之過然愛禮存羊固不可廢自

頃宰相權重今陶復以言宰相罷則中丞不可復為臣

請俟宰相押班然後受詔上許之時光中丞誥已進大

內而陶學士之命中書獨持之不下紀事本末卷五十七案東都事略

邵亢傳王陶以御史中丞彈宰相韓琦等不立外朝班
其言多過參知政事吳奎言陰陽不和陶所致也神宗
命陶爲翰林學士而奎持之三日不下

戊辰參知政事吳奎趙概面對堅請黜陶於外上不許
請復授樞密直學士領羣牧使許之既而上直批付中
書以陶爲翰林學士時宰相未入奎卽具奏曰臣雖至
愚豈不知廢格詔旨獲罪至重然陛下初卽位聖德日
新上天助順風雨時若乃者閏月以來寒暄不節暴風
屢作今茲時雨愆亢螟螣孳生險說紛紜震駭羣聽原
其所以如此者過不在他止一王陶而已按陶天資薄
險勢利是視巧詐反覆情態萬狀索其深蘊真市井小
人之不若也陛下念其東宮之舊首加任使擢爲中丞
今乃挾持舊恩專爲險惡輕視狷憤織羅交構摧辱大

臣排抑端良意欲天下權勢一歸於己且郭逵蔡挺遷改臣等以爲陛下處置皆當故卽奉行亦果具陳陛下必盡記憶至如韓琦曾公亮不押班事蓋以久來相承寢成廢禮非是始於二臣陶以臺制彈劾舉職便可何至引背負芒刺目爲跋扈肆意深詆以此見陶處心積慮在於排陷大臣呼吸羣衆以爲己用自圖威柄竊弄國權者也臣等早來案魏公家傳下屢陳欲王陶補外令其思過陛下重難其事今除舊職並差遣臣等不得守義固爭已負大罪今若又行內批指揮除陶翰林學士乃是由其過惡更獲美遷不惟臣等取輕羣衆無以自立且使天下待陛下爲何如主哉唐德宗猜疑大臣信任羣小陸贄以直道昌言反見斥逐裴延齡韋渠牟

李齊運以纖屑狡獪倚為腹心天下至今稱德宗為至
闇之主誠望陛下上法堯舜及三代之君不願陛下為
唐德宗貽譏萬世也王陶不黜陛下無以責內外大臣
展布四體興緝正統願陛下無溺私斷之不疑邵亢亦
緣攀附職為諫官不能自持正論輕為王陶驅迫妄言
當顯黜以厲羣臣臣輒違制旨罪固深重亦乞必行典

刑紀事本末卷五十七案長編卷二百

己巳奎遂稱疾臥家乞罷政事案魏公家傳云奎以廢

疏極言陶本因臣與韓絳延薦才為御史即攻韓絳頃

年選用事陛下於東宮是時先帝服藥固未知王陶之

才堪任器使蓋韓琦曾公亮等進擬今以一立班久廢

之禮肆行深詆是其見利忘義惟擬搏是為略無羞惡

溪望無以喻其深阻也至如邵亢嘗聞德音以為翻上

封奎劄子以示陶陶即具奏推謝尋復劾奎附宰相欺

天子六罪其略曰臣竊按奎以死黨之節而濟以沈雄
有大姦之才而飾以記誦少緣文彥博以非才得科名
及爲諫官附會彥博欺罔仁宗陰爲培植維持之計爲
唐介彈劾被黜是時搢紳朝士醜其爲人目爲諫賊奎
爲小官時亦嘗爲富弼所知及弼當國屬翰林學士員
闕弼以奎朋黨又爲仁宗所疏薄久之不補奎心懷怨
懟輒令韓絳奏弼以快私忿臣與奎有舊亦嘗規其背
人主而附權臣及爲諫官又言其人黨韓絳陳升之等
連文彥博自是與臣匿怨爲仇後韓琦引用爲樞密大
使諫官楊畋憤其姦邪論奏會畋病死遂盜厥位及昨
服除當復樞府見韓琦方立黨以傾彥博又見琦名位
事勢愈盛於前彥博之力不復能引重陞薦乃自陳頃

爲唐介彈奏彥博而言其附會恐同居樞府不便意要
發揚彥博前事及欲結媚韓琦又以自防言事官將此
押彈欲先事奏陳使不能復發陛下觀奎此數節天資
險薄惟勢利是視巧詐翻覆情態萬狀索其深蘊真市
井小人之不若者是奎言臣邪奎自謂邪又曰仁宗自
至和服藥之後臨朝簡默政事不復麤厲選任差除盡
歸宰執然能以腹心耳目寄之於臺諫大臣猶懷恐懼
不敢泰然作姦先朝繼統以來深居九重久之方親國
政危疑自處惟恐凌辱欲爲則不得欲言則不敢窘束
牽制諫屈案二字恐有脫誤不暇琦等自知其非意所以固寵
保位之術遂乃悅媚先帝尊崇濮王盈廷正議忽而不
顧思媚人主與臺諫官自立仇敵忠諫之士遣逐外郡

人心不平物論洶洶先帝後雖追悔掣肘不敢改爲以至憂悵成疾奄終一代琦等方以兩朝顧命傲然自居顧視朝廷惟己所欲且琦執政一年上視兩府大臣中外要職莫非親舊根盤節錯異己者必逐附己者必陞中常之人各顧身計言必不用適助禍殃如臣是陛下東宮舊臣復爲憲府之長琦等親被彈擊不敢自言奎乃爲琦主謀擊臣報怨自茲以往人誰敢言臣處職憲之位未滿兩月而遽邈退豈臣有欲自圖國政竊弄威柄之迹也哉又曰陛下欲除臣翰林學士之職臣豈敢當之願從奎言投於散地必退之志陛下固已察之伏惟哀矜使臣得脫疆臣怨仇之手他日全名節以死歸骨九泉臣之幸也侍御史吳申奏故事御史中丞因言

事求罷居家待罪朝廷降旨不允或宣召入臺至於再三確辭然後聽去所以重風憲之任寵耳目之官體貌直臣以厲其節王陶今日上章明日除代未有罷免遄速如此之甚也乞留陶依舊供職竝上疏劾奎有無君之心數其五罪上以手札賜知制誥知諫院邵亢趣進入陶學士誥亢遂言御史中丞職在彈劾陰陽不和咎由執政奎所言顛倒失大臣體陛下新聽政命出輒廢何以令天下上由是有逐奎意司馬光入對上亦以奎奏示光光請止還陶舊職上許之既又欲與陶侍讀學士光退翌日原注二十四日己丑也案傳家集復奏曰傳家集載乞王陶只除舊職劉子云日昨召對蒙恩賜示以吳奎所見數奏陛下始欲止還陶舊職後又欲與侍臣曾據學士臣忽遽未有以對退為陛下經宿思之侍

讀學士與翰林學士資級略同若授陶此職臣恐奎未

必肯出陛下新踐祚大臣屢有不安其位者奎素名質

直萬一因此激發舉動更有過當若亟行罷免則深失

士大夫之望若屢詔不出則愈損陛下之威況陶既以

言事不聽辭免臺職待罪之際若更加以美官臣竊料

陶亦不敢受欲望聖慈止還陶未作中丞時舊職案集傳

作止還陶原作御則奎前者已經商量不敢不出陶既

是舊職受之亦安庶免紛紜重傷朝廷大體臣蒙陛下

虛已下問不敢不奏紀事本末卷五十七

庚午上出諸州貢物名件自漳州山薑花一萬朵已下

至同州楹棹二千顆凡四十三州七十種手詔曰四方

入貢雖云古禮考之禹制未有若茲之繁也今則一郡

歲有三四而至者言念道路之勤疲費亦廣至聞主押
可校有棄業終身不能償者耗蠹民力莫不由斯又所
貢物多飲食之類雖闕乏亦無害書不云乎不作無益
害有益非謂此邪朕甚不取自今其悉罷之紀事本末卷八十一

家太平治統類云右司諫劉庠言近手詔減天下貢
獻出宮女數十人省後苑作工匠應乘章服及所更改

乞付史館不從上批付中書案宋史本紀王陶呂景吳

館未繫之庚午日蓋以溫公上留吳奎劄子日書之也
然據傳家集上疏在二十四日是月戊申期庚午為二

十三日二十四日姑依紀事附此御史中丞王陶侍御史

吳申呂景過毀大臣王陶除樞密直學士知陳州吳申

呂景各罰銅二十觔吳奎位在執政而彈劾中丞以手

詔為內批三日不下除資政殿大學士知青州翰林學

士右諫議大夫兼侍讀司馬光權御史中丞奎乞守本

官知濰州不許司馬光復奏外議藉藉皆以爲奎不當去所以然者蓋由奎之名望素重於陶雖今者封還詔書徑歸私第舉動語言頗有過差然外庭之人不知本末但見陛下爲陶之故罷奎政事其罰太重能不怪駭如此臣恐其餘大臣皆不自安各求引去陛下新登大寶先帝梓宮在殯若舉朝大臣紛紛盡去則於四方觀聽殊似非宜臣愚欲望陛下收還奎青州敕告且留奎在政府以慰士大夫之望安大臣之意陛下以奎違詔而黜之威令已行嘉奎質直而留之用意尤美奎始負大譴懾服陛下之英斷終蒙開釋銜戴陛下之深恩上下歡悅誠無所損昔漢高帝疑蕭何受賈人金械繫於獄感王衛尉一言赦令復位君臣恩禮相待如初況於

一出入閒何爲不可留也陛下素知臣非朋附大臣之人故敢不避形迹極意盡言但爲朝廷惜大體耳上不憚光中丞誥時在閤門上復收入後三日乃付中書先是上封陶疏以示琦琦奏曰臣非跋扈者陛下遣一小黃門至則可縛臣以去矣上爲之動問制誥知諫院滕甫甫曰宰相不押班誠可罪若以爲跋扈則爲欺天陷人矣奎之罷政事也琦猶在告公亮方侍嗣趙概復奏增奏一官爲戶部侍郎

紀事本末卷五十七

辛未曾公亮入對懇請留吳奎上許之

紀事本末卷五十七

壬申追取吳奎青州告詔對延和殿慰勞使復爲參知政事曰成王豈不疑周公邪上初議罷奎爲翰林學士承旨顧張方平曰奎罷當以卿代方平力辭上曰卿歷

三朝無所阿附左右莫爲先容可謂獨立傑出矣先帝
已欲用卿今又何辭方平曰韓琦久在告者意保全奎
奎罷必不復起琦勲在王室願陛下復奎位手詔諭琦
以全始終之分上嗟歎良久繼出小紙曰奎位執政而
擊中司謂朕手詔爲內批持之三日不下不去可乎方
平復論如初上訖從之案宋史吳奎傳及琦罷相竟出知青州奎輔表在九月辛丑
於是遣內侍張茂則賜琦手札曰卿援立先帝功在王
府自朕纂承虛懷託賴惟是同德豈容閒言昨王陶等
所言過爲誣訾至於事理朕所自明但中丞屢斥頗動
朝議欲除學士意者示之美遷其實使去言路不謂卿
亦有章表遽然避位是著朕之不德益駭天下之聽已
處分王陶舊職出知陳州乃君臣大義卿其勿以爲嫌

國之休戚卿當與朕共之言發於誠想宜知悉吳奎既復位邵亢更以爲言上手札諭亢曰此無他欲起堅臥者爾堅臥者蓋指琦也案韓魏公家傳云陶既黜邵亢朕只是一皇親太保耳亢聞此言惶懼自悔時亢知開封府忠彥爲府屬官屬亢爲道上語如此意以蓋己之失也陶爲人雋利眉目疎秀美書翰惟性卞急色厲而內在初事韓琦甚謹故琦深器之驟加拔用陰知上不悅執政之專旣爲中丞謀易置大臣虛次相以自擬陳薦密勸琦備陶琦不信陶果劾奏琦原注琦傳云英宗旣題之以進然最所重者陶首加拔用後覺陶伎疎之及爲御史中丞意猶不滿遂劾奏琦世益以知人爲難按所稱覺陶伎稍疏初建東宮英宗命以蔡亢爲詹事琦因薦陶文彥博私謂琦蓋止用亢琦不從遂竝用二人及琦爲陶所攻彥博謂琦曰頗記除詹事時否琦大愧

曰見事之晚真宜受撻紀事本末卷五十七原注此據

舊無二員或按太宗升儲林特張士遜二人竝兼詹事舊

無二員或按太宗升儲林特張士遜二人竝兼詹事舊

不受詹事執政許之當考舊記又云樂道以太子登位

罷御史中丞為樞密直學士知陳州吳奎位執政彈劾

中丞格手詔三日不載因由據五朝史例富從舊記

記但書罷奎仍不載因由據五朝史例富從舊記

同知諫院請開經筵且講喪禮詔俟祔廟畢取旨紀事本末

卷五十三

癸酉司馬光始受御史中丞誥奏疏曰臣聞登其源則

流清固其臣蒙陛下拔於眾臣之中委以風憲天下細

本則木茂小之事皆未足為陛下言之敢先以人君修心治國之

要為言此誠太平之原本也臣聞修心之要有三一曰

仁二曰明三曰武仁者非嫗煦姑息之謂也修政治興

教化育萬物養百姓此人君之仁也明者非煩苛伺察

之謂也知道義識安危別賢愚辨是非此人君之明也武者非彊亢暴戾之謂也惟道所在斷之不疑姦不能惑佞不能移此人君之武也故仁而不明猶有良田而不能耕也明而不武猶視苗之穢而不能耘也武而不仁猶知穫而不能種也三者兼備則國治彊闕一焉則衰闕二焉則危三者無一焉則亡自生民以來未之或改也治國之要亦有三一曰官人二曰信賞三曰必罰夫人之才性各有所長官之職業各有所守自古得人之盛莫若唐虞之際稷契皋陶垂益伯夷夔龍各守一官終身不易苟使之更來迭去易地而居未必能盡善也故人主誠能收采天下之英俊隨其所長而用之有功者勸之以重賞有罪者威之以嚴刑譬之乘輕車駕

駿馬總其六轡奮其鞭策何往而不可至哉昔仁宗時
臣初諫官得上殿首曾敷奏此語先皇帝時臣曾進歷
年圖又以此語載之後序今幸遇陛下始初清明之政
虛心下問之際臣復以此語爲先者誠以臣生平力學
所得至精至要盡在於是願陛下勿以爲迂闊試加審
察若果無足取則臣無所用於聖世矣紀事本末卷五
修心之要三治國之要三續宋編年資治通鑑載於治
平四年閏三月據云以呂公著司馬光爲翰林學士上
疏論修心之要三曰仁曰明曰武治國之要三曰林學
曰信賞曰必罰且曰臣嘗以此事獻仁宗其後以獻英
宗今又以此獻陛下誠以臣平生所得至精至要者盡在
是矣又與此大旨略同長編卷二百九載司馬光爲翰
林光以不能此四六爲辭下竝未見此
是月知慶州蔡挺知渭州長編卷二百三十熙寧五年
四月自慶徙渭熙寧二年九月再任案東都事略蔡
挺傳云神宗卽位加天章閣待制徙知渭州建勤武堂

五日一教閱五伍為隊五隊為陣陣橫列三鼓而出之
並三發箭復位又鼓之還隊槍刀齊出以步鼓節之為
擊制狀十步而復以上凡復位皆聞金卽退騎兵亦五
伍為列四鼓而出之射戰盤馬先教前一將官點閱
全備乃赴教再閱之隊中人馬皆彊弱相兼彊者立姓
名為奇兵隱於隊中遇用奇則別為隊出戰淫原路內
外皆七將及涇儀州左右策應將每皆馬步軍各十陣
分左右各第一至五日閱一陣此其大槪也神宗甚善
法其

五月

案錢氏四史朔閏
考是月戊寅朔

御史臺官既被絀罰宰臣韓琦

曾公亮言臣等近以中丞王陶彈奏不過文德殿押班
先嘗面奏舊以前殿退晚及中書聚廳見客日有機事
商議故不及押班為歲已久卽非始日臣等今檢詳唐
及五代會要每月凡九開延英則明其餘不坐之日宰
相須赴正衙押班及延英對宰相日未御內殿前令閤
門使傳宣放班則宰臣更不赴正衙押班明矣本朝自

祖宗以來繼日臨朝宰相奏事祥符初敕宰臣依故事赴文德殿押班當日似未曾討論故行之不久漸復隳廢緣中書朝退後議政動逾時刻若日赴文德殿押班則於機務當有妨滯欲乞下太常禮部詳定典故從之及司馬光爲中丞卽奏臣竊聞宰相復有文字乞下禮官詳定合與不合押班臣聞王者設官分職譬猶一體以宰相爲股肱以臺諫爲耳目固當同心協力以佐元首若各分彼我互爭勝負欲求其身之安何由可得近者御史中丞王陶請宰相依舊制赴文德殿押班宰相若從其所請豈有後來紛紜乃堅執不行迭相激發遂至王陶語言過差今王陶旣補外官宰相已赴押班臣謂朝廷可以無事矣而宰臣復有此奏萬一禮官有希

旨迎合者以爲宰相不合押班臺諫欲默而不言則朝

廷之儀遂成曠廢欲辨論是非則案傳家集此下有云與前日之事有何所

異是關訟之端無時休息也陛下新卽大位四方之人舉首傾

耳以觀大化而朝廷不聞肅雍濟濟之風數有變色紛

爭之醜臣竊爲陛下惜之案傳家集此下有云況今災

寡兵眾而不精冗費日滋公私困竭戎狄桀傲邊鄙無

備百姓流亡盜賊將起朝廷夙夜所憂宜以此數者爲

先而後伏望陛下特降聖旨令宰臣依國朝舊制押班

所有下禮院文字乞更不令詳定癸未上批自今宰臣

春分後遇辰初牌上秋分後遇辰正牌上垂拱殿視事

未退更不赴文德殿令御史臺設班前下太常禮院詳

定指揮更不施行旣而司馬光又奏案傳家集云臣伏

準四日手詔今後宰相赴文德殿押班自春分後或遇

辰初牌上秋分後遇辰正牌上垂拱殿視事未退止令

傳報宰臣更不遇令御史臺一面放班餘日並依祥符
敕命指揮永爲定制所有前降下太常禮院詳定文字
更不施行者臣竊見從來垂拱殿視事比至中書樞密院及

其餘臣僚奏畢春分以後少有不過辰初秋分以後少
有不過辰正自陛下御極以來惟近因服藥曾因辰牌
以前駕起入內自餘皆在辰牌以後然則自今以後無
事之日宰臣永不赴文德殿押班也臣竊以爲文德殿
爲天子正衙宰臣爲百僚師率百僚旣在彼常朝則宰
臣理當押班斯乃前世舊規自祖宗以來未之或改案
家集此下有云今陛下卽政之伏望陛下特降聖旨令
初非有大利害者恐未須更張宰臣一依國朝舊制押班若陛下以前已降手詔必欲
限時刻者卽乞自春分後遇辰正牌上秋分後已牌上
竝依手詔施行案傳家集作竝依今猶庶幾此禮不至

遂廢乃詔春分秋分後辰正牌上垂拱殿視事未退宰

臣更不過文德殿押班紀事本末卷五十七原注實錄

押班其後奏事有至日晨未下以故不復過殿習以為

常及王陶為中丞幼奏宰相違故事不恭於是百官至

已後數刻未退人厭苦之故有癸未之詔案長編卷二

百二朝十八熙寧四年十一月詔中書門下自今文德殿

常朝候不垂拱殿坐令御史臺一員常參官再拜而退神宗

初即位宰相奏事多至日晏韓忠獻當國遇奏事退晚

即依舊例一面放班未有著令王樂道為御史中丞彈

奏至辰時末退一而放班遂為定制

事至辰時末退一而放班遂為定制

丙戌翰林學士呂公著兼侍讀紀事本末卷五十三案

朔閏考四月戊申朔無丙戌日十朝綱要編年備要五

月置寶文閣學士直學士待制以翰林學士呂公著知

制詔不載兼侍讀事或紀事本末上

脫五月二字也而戊為五月初九日

戊子龍圖閣直學士韓維知潁州初王陶罷御史中丞

為翰林學士維言宰相跋扈法所當治也御史中丞言

賣其合其書局合其

卷一

三

是則宰相安得無罪若其非中丞安得止罷臺職而已
今爲翰林學士是遷也陛下既不能辨明大臣使負惡
名有不自安之意又使言者無名罷去疑惑遠方願廷
對羣臣使是非兩判及御批吳奎罷參知政事遷一方
知青州維以爲奎素有學問敦篤持重可任以事擢參
政大夫眾謂得人今才數月止因論事之際少失婉順
便加斥逐進退大臣不當如此且執政罷免則爲降黜
今復遷官則爲褒進理當竝行此與王陶罷中丞而加
翰林學士何以異賞罰所以明天下之耳目豈可不謹
乎陶既出維亦屢求外補案宋史韓維傳上還奎上從
之未行改汝州原注日記云樂道之與長文闕也秉國
出命知穎州案宋史韓維傳數月召兼侍講判太常寺
熙甯二年遷翰林學士知開封府明年爲御史中丞以

兄絳在樞府力辭安石亦侍御史呂景通判濠州初景
惡言保甲復使爲開封府既罰金因言自臣入臺方踰兩月凡所論奏不敢阿附
嘗言樞府兵柄方鎮帶之於體非便乞罷郭逵簽書并
宣撫之任又宰相於文德殿立班乃祖宗舊制今既隳
廢損國體又言王舉元四歲八遷蔡挺資淺用速夏倚
超擢太優陳汝羲貪邪陰險不當召試不蒙施行蓋臣
才識淺陋不能開悟聖心今王陶已降外郡而臣止從
罰在臣之義豈敢苟安望罷臣言職顯加黜降三奏待
罪故有是命紀事本末卷五十七案傳家集五月十二
揮龍圖閣直學士韓維差知潁州侍御史呂景與堂除
通判未知信否臣思竊見韓維沈靜方雅於陛下曠昔
宮僚之中最有美譽今者無故稱病求出外人皆不知
其故呂景渾厚剛直於今日言事之臣亦爲難得其人
身爲臺官坐言事罰銅誠使羞辱難以立朝不若得貶
竄之爲快也然二人者皆陛下腹心耳目之良臣一旦

俱從外補於二人甚爲私便臣竊爲陛下惜之伏望聖
慈更賜詳度或且留之左右使拾遺補過誠有所裨益
必苦源不可留者其臺官乞更不舉人只於舊臺官呂大
防郭源明馬默等數內斷自聖意選擇一人以補其闕
所貴得質直之人王陶赴陳州上表謝到任凡數千
克厭眾心取進止言專詆毀執政曰臣預知孤忠必犯眾忌方權臣之久
盛復眾黨之已深祿去王室者十年政在私門者三世
言事忤意者決行斥逐立朝守正者公肆忌嫌聞手詔
一出則遷怒以責人議山陵一費則懷忿而形色以直
道事君者爲大惡以顓心附己者爲至忠又曰方幸幼
君之足陵豈思天威之可畏又曰元台高臥而有要次
輔效尤而愈悍夜取敕告於上閣藏在私家朝請宣召
於御前押歸故府轉主心易於拳石奪君命輕若鴻毛
昔真宗久疾丁謂弄權已去復留異時同惡尙猶再行

告病少挾正以爲邪不敢便毀制書全無名而復位上
素喜陶文往往成誦執政怒將請其罪司馬光言臣竊
聞政府以王陶上表言詞狂妄恣爲詆毀多過其實欲
有敷奏乞重加降責審或如此恐不可許何則自仁宗
皇帝以來委政大臣宰輔之權誠爲太重加以臺諫官
被貶者多因指大臣之過失少因犯人主之顏色是威
福之柄潛移於下方將奮乾剛之盛德伸元后之威斷
收還利器以救其弊今者王陶肆其褊心失於詳審言
語不密流布遠近雖實有罪然陶前者出知陳州陛下
蓋以先帝梓宮在殯特爲大臣屈意行之今若又以表
文詆毀大臣重加責降臣恐人主之權益輕大臣之勢
遂成興衰之機於此乎在不可不察也臣愚欲望陛下

於執政進呈王陶謝上表之際但諭以躁人之辭不足
深罪前已左遷在外豈可更加貶責若其再三執奏陛
下當正色語以王陶前作中丞譏切朕躬非無過當之
言朕亦未嘗加怒欲以廣開言路豈可觸犯卿等則必
欲再三責降方爲快意邪若又執意不已者陛下但不
復應答彼當自退所以然者非以保全王陶蓋欲使其
餘臣僚知陛下英武萬一他日大臣有欺罔朝廷爲大
罪者羣臣敢言之耳凡此皆陛下聖智所能自知臣復
屑屑盡言者誠荷陛下不世之恩貪於報效不復自顧
形迹之嫌故也陶遂得免呂公著恐上惑陶說將復召
之卽奏疏曰臣伏見自陛下卽位以來中外皆稱聖朝
昨因王陶瀆亂天聽上下震駭尋已黜守外藩繼一露

奏表章厯詆近臣及論大臣不軌又漏洩上前密語陛下以其宮邸之舊嘗加眷遇兼謂出於一時狷忿特賜含容不加重譴陛下之恩德可謂至矣陶宜日夜循省咎愆以答上仁今聞復有章表長惡不悛如此乃是包藏禍心非特出於一時之狷忿也且以陛下之聰明至其指執政之得失數羣臣之長短固亦有然者矣若遂以爲大臣有不臣不軌之心則陛下眷念不置向後必須召用臣竊恐姦邪小人因奏對之際必有希合上旨蔽陶之罪謂其能忠直敢言伏望陛下割一人之私恩采天下之公論登用中立之士杜絕阿黨之原毋爲偏見邪說所惑則天下幸甚

何郊又乞召還王陶以迎合上意帝薄之

紀事本末卷五十七案畢氏通鑑熙寧二年七月知梓州司使還翰林學士中丞呂公著復論陶賦性傾邪當韓

琦秉政詔事無所不至及為中丞乃誣琦以不臣之迹

甲辰屯田員外郎張唐英為殿中侍御史裏行唐英雙

流人初英宗立上謹始書言為人後者為之子恐他日

有引定陶故事以惑聖聽者願杜其漸既而臺諫官相

次黜逐故王珪范鎮謂唐英有先見之明其薦之紀事

卷五十五案邵伯溫聞見錄云張唐英者天覺丞相兄

也丞相少受學於唐英年春以前御史嘗作宋名臣傳蜀

通鑑後編云熙寧初調穀城令縣圖植干株楊柳作柳

亭於其中間者皆美英初調穀城令縣圖植干株楊柳作柳

六月初立其唐英上謹始書英庚申兵部員外郎直龍圖閣兼

侍讀學士王廣淵知齊州先是司馬光言案傳家集言

凡三篇第一劄子上於六月三日紀事本末所載其第

家集所載云臣聞明君之政莫大於去姦忠臣之志莫

先於去邪陛下不知臣無以使待罪憲府受任以來於

今踰月而寂無所糾誠負大恩王廣淵以小人之質有
伏見直龍圖閣兼侍讀學士云外依政府內結近習
傾巧之材苟求進身無所不至云
家集此下有云數顯國家本以龍圖閣寵賢彥邇案此字
年之閒政位清顯
傳家英待儒雅皆非廣淵所宜濫處案傳家集此下有
集補放黜姦邪以警羣臣廣淵伏望陛下奮發乾斷首
於朝列之中為姦邪之尤者
加斥逐奪去職名除一遠地監當亦足以醒天下之耳
目案傳家集所載言王廣淵第二劄子云臣近曾上言
除一遠地監閣兼侍讀王廣淵傾巧姦邪乞盡奪去職名
布聞海內陛下當差遣至今未間指揮臣竊聞廣淵所為
述書曰任賢勿貳昔在宮邸豈未間指何假微臣更有詳
下若未知廣淵之貳去邪與不肖尚大舜所以成天功也
姦邪之狀則豈可復置之左右而不容致疑若夫知人
者巧於求合變故萬端雖聖賢所不能察是以帝堯畏
巧言令色孔壬而孔子教顏淵以遠佞人矣伏望陛下
非不令也苟不而遠之則有時而惑之矣伏望陛下
依臣前奏其王御史蔣之奇亦言廣淵人品庸凡天資
廣淵早賜黜逐

為姦佞方擢用之際司馬光列章十上事寢不行愈自

矜誇藩邸故舊入則結高居簡為內應出則與孫固為

死交陛下大明初升四海皆照豈容魑魅尚在朝廷廣

淵亦自請郡故有是命既而光又言案傳家集此為言

也紀事本末亦節去前後據集中所載云臣前兩次

上言王廣淵傾巧姦邪乞盡奪去職名與遠地監當近

聞廣淵案傳家集帶舊職知齊州仍賜章服如此乃是

賞之非黜之也曷使廣淵自改京官以來謹身守分不

為姦諂以至今日不過作第二任通判今所得乃如此

豈可謂為姦諂無益哉案傳家集此下有云孔子稱唯

所謂器也職名所謂名也二者皆無用之物然而天下

貴之者為其非賢才則不能得之故也唐宣宗重惜章

服不輕以與人司製緋衣以備賜經年不過用三兩

領故當時服緋賜者人以為貴夫名器譬如珠玉若使

之易得如瓦礫尚安足貴乎近歲兩次覃恩服緋紫者
已為泛濫今又如陳鑄王廣淵輩皆賜章服是使今後
受賜章服者皆以為榮也且陛下使廣淵出補外官必已知姦
邪之迹也今又復以職名章服寵之是勸人使效廣淵
所為也臣竊恐非國家之福聖斷依臣前奏盡奪去廣
淵職名并比來章服與遠地不聽廣淵入辭延和外殿
監當使賞善罰惡儆然明白紀事本末卷五十八案王銍
上哀慟久之衛士皆感泣默記卷上云王廣淵議英宗
於潛邸及即位欲大用之不果然中外之事莫不以聞
又論幸執專權須收主威英神二朝俱主其說時宰患
之無如之何乃反間諫官司馬君實力言其姦邪不可
近章至八九上廣淵竟外出世徒知君實言廣淵而不可
知宰相之反間也然則陰諷臺諫以逐人主親臣古今
神宗御批與膝亢發令論繪云光醇儒少智未必不為
人陰使之耳蓋廣淵被逐嘗言君實純直受人風旨之
詐而云爾此說似誣

辛未

長編卷一百八十八又卷二百四十六載增配沙
門磨人數事據原注均云治平四年六月二十五

登州沙門島舊制則有定額溢數則投之海中若主李慶罷官入謁默遣問擅殺幾何慶對一任殺七百餘人默詰之則曰島上地狹徒隸猥眾過數官糧不足以贍則取殺之則曰默責其擅殺欲按其罪慶惶恐即曰自殺默奏請更定配島法凡二十條溢額者則選年深不作過人移徙登州自是多活者其後蘇軾起知登州父老迎於路曰公為政愛民得如馬使君乎軾異之王鞏甲申鞏錄云沙門島舊制有定額過額取一異人投之海中馬默處厚知登州建言朝廷既選年深自至配所不非朝廷之本意今後溢額乞選年深自至配所不作過人移登州神宗深然之即詔可著為定制詔曰農天下之本也祖宗以來務加惠養比下寬恤之令賜蠲復之恩然而歷年於茲未極富盛閒因水旱頗致流離深維其故殆州縣差役仍重勞逸不均喜為浮冗之名不急之務以奪其時而害其財故也愁痛亡聊之聲上干和氣深可傷憫其令逐路轉運使遍牒轄下州軍如官吏有知差役利害可以寬減者實封條析以聞

先是三司使韓絳言害農之弊無甚差役之法重者衙
前多致破產次則州役亦須重費夫田產人恃以爲生
今竭力營爲稍致豐足而役已及之欲望農人之加多
曠土之加闢豈可得乎向聞京東有父子二丁將爲衙
前役者其父告其子云吾當求死使汝曹免凍餒也遂
自經死又聞江南有嫁其祖母及與母析居以避役者
此大逆人理所不忍聞又有鬻田產於官戶者田歸不
役之家而役併增於本等戶其餘戕賊農民未易遽數
欲望以所陳下哀痛之詔令中外臣庶悉具差役利害
以聞委侍從臺省集議考驗古制裁定其當使力役無
徧之害則農民知爲生之利有樂業之心矣役法之議

始於此

紀事本末卷七十

續宋編年資治通鑑

韓絳言

司馬光亦言自罷里正使民休息遂詔逐路條具差條利
家願詢謀以及天害下使民休息遂詔逐路條具差條利
害案再詔條具利害在七月戊寅可考又案傳家集載
治平四年九月所上論衙前割子云臣伏見近者陛下
特下詔書以州郡差役之煩使民無敢力田積穀求
厚產至有遺親背義自求安全者令中外臣庶福陳利
害委官詳定以聞此誠堯舜之用心生民之盛福也臣
竊見頃歲國家以閭閻苦里正之役廢罷里正置鄉戶
衙前又以諸鄉貧富不同里正上之役廢罷里正置鄉戶
正西鄉上戶家業百貫亦為里正應諸鄉重難勢逸不為
乃立定衙前人數每遇有闕於一縣諸鄉重難勢逸不為
者一戶補充行之到今已愈十年一民閒貧困愈甚於舊
議者以爲一州一縣利害各殊今年一民閒貧困愈甚於舊
又里正止爲一州一縣利害各殊今年一民閒貧困愈甚於舊
家產者然則民之所苦在於衙前所管官物乃有破壞善
而存衙前是廢其所樂而存其所苦也又里正每鄉止
有里正一人借使有所營生其所以勞逸不均蓋由戶休
可以晏然無事專意營生其所以勞逸不均蓋由戶休
一槩差遣不以家業所直爲準若使直千貫者應副十
分重難直百貫者應副一分重難則自然均平今將
一縣諸鄉混同爲一選物力最業者差充衙前如此則
有物力人戶常充正役自非家業最落則承無休息之
期矣有司但知選差富戶爲抑彊扶弱寬假貧民殊不知
知富者既盡賦役不歸於貧者將安適矣借使今日家

產直十萬者充衙前數年之後十萬者盡則九萬者必
當之矣九萬者盡則八萬者必止矣故置鄉戶衙前以
至於窮困而為盜賊無所反矣如貧者不疏乎臣嘗
益田之而不敢營生富者反不為富而民之故皆言不
削月廢有減無增以此為富而問其故皆言不疏乎臣
於村落見農民生具之徵而問其故皆言不疏乎臣
欲多種一桑多置一牛蓄二三年之糧藏十匹之綿鄰
已目為富室指決以爲衙前矣況敢益田駙其廬舍乎
臣聞其言怒焉傷心安有聖帝在上四方無事而立法
使民不其敢爲久害故初置鄉戶衙前之時人未見其
不然而後知之久之害因循不改日戶衙前之患益深矣
今然慈特降指揮下諸路州縣久則患益深矣臣愚欲
望聖慈特降指揮下諸路州縣久則患益深矣臣愚欲
鄉戶衙前各貝利害聞奏隨其所便別立條法務令百
姓敢營生計則家害聞奏隨其所便別立條法務令百
給人足庶可矣陝西轉運司薛向言知青澗城種
諤招西人朱陵最為橫山得力酋長已給田十頃宅一
區乞除一班行使誇示諸羌誘降橫山之眾詔增給田
五頃案吳廣成西夏書事云徙橫山民於興州夏蕃酋
益思內附諒祚盡發其族帳徙之興州諸部懷土願望
知青澗城種諤招之令凌舉眾降諤上聞給以田宅此

寶台再覽局合甫
卷一
三

作朱陵未詳
即其人否

向在英宗時嘗獻西陲利害十五篇去冬

又上疏陳禦邊五利一曰選將帥以制其衝二曰亟攻
伐以罷其敵三曰省戍兵以實其力四曰絕利源以弊
其國五曰惜經費以固其本選才謀居要害任權變廣
招置募鄉導行反閒使其君臣攜貳自相屠戮用智而
不用力所以制其衝也設先舉之策行淺攻之術諸路
分據地勢犄角進兵聲援相及若首應尾使其備東北
則擊西南狃以歲月勞於奔命所以罷其敵也東兵屯
戍去逸就勞知虜情不習地勢坐糜廩食欲戰先北今
若省之專任土兵減費重威所以實其力也罷其賜予
禁其市易絕其鹽利設官致命杜衣食之源所以弊其
國也今數道宿兵調度絃急稍失經畫則徒困良民而

無補國用宜鑒建康之失蠲倉卒之暴任公寶之謀使
府庫充牣而農桑不殘士飽氣勇以攻則克以守則堅
所以固其本也疏奏英宗稱善常置左右上見而奇之
會邊臣多言橫山族長可招納者是日即召薛向入對
密賜金五十兩及辭去又賜金凡向所陳計策上皆令
勿語兩府自以手詔指揮樞密使文彥博等皆執不可
宰相曾公亮獨贊之上先以向所上疏并西陲利害付
文彥博令其可否條例錄進彥博奏云觀向之所陳大
要有五案遼公集此下有云向所謂任將帥者朝廷何
人固當加向所論使久其任但所擇或得或否耳既得其
數易雖得賢才使為將帥亦難責其成功猶如前時屢遷
以罷其敵者一日先舉之策以謂先發制人故勝後發
制於人故負故欲誘橫山以罷之多方以誤之二日數攻
之策其大旨欲招誘橫山使不甯居將自困弊此皆朝廷
弓箭手之眾侵擾賊境使不甯居將自困弊此皆朝廷

素留意者兼韓琦
會西人輸款而止去歲樞密院初曾與范仲淹嘗建此議
算尋已降實數去歲樞密院編呈兼逐路之兵自來未
嘗精較實數去歲樞密院編呈兼逐路之兵自來未
降下諸路實數去歲樞密院編呈兼逐路之兵自來未
詰路出師策然此舉動必當其時去歲十月朝廷處置中
於先帝無遺策然此舉動必當其時去歲十月朝廷處置中
納絕附王無所不果遂舉動必當其時去歲十月朝廷處置中
不祚改圖況王無所不果遂舉動必當其時去歲十月朝廷處置中
祚改圖況王無所不果遂舉動必當其時去歲十月朝廷處置中
省費跋兵自新復之師非若猶恭順服過即當含容所謂渠招
可力者其要欲省一息民誓不得已望廓天輕之量霽雷霆之怒
其虛為持久必勝省一息民誓不得已望廓天輕之量霽雷霆之怒
留情皆有成此亦省兵實力之春延依以計較逐路之兵去實
衛國謂朝廷此亦省兵實力之春延依以計較逐路之兵去實
其賜和如諒祚并緣邊和市亦宜絕之賊勢自窘矣
阻命自當絕之諒祚并緣邊和市亦宜絕之賊勢自窘矣
經費以固其本此下有者此乃方今至切之務最要講
求兵案以固其本此下有者此乃方今至切之務最要講
兵案以固其本此下有者此乃方今至切之務最要講

何欲不可今之言者不計國用之豐寡而欲輕舉妄動
為國生事者多矣惟朝廷審用而慎行之兵一用其費
不貲苟力屈而財殫雖有智力不能善其後向又以調
息不用人未始知戰上為鑒其言尤為切當蓋康定時兵久
所極天下困弊終無尺寸之功亦可用莫知向云自寶
元初守官陝右出入兵閒案路公集此下有今首尾七
年目覩心計固宜詳悉案路公集此下有其然謀攻料
敵老將所難兵者大事不可輕言古人論兵至慎至重
案路公集此下有云如向之取橫向謀雖可采言亦似

輕誠願慎之重之

紀事本末

兔

向謀雖可采言亦似

是月內侍省押班文思副使王昭明罷環慶路駐泊兵
馬鈐轄供備庫副使帶御器械李若愚罷涇原路駐泊
兵馬鈐轄西京左藏庫副使梁實罷秦鳳路管句蕃部
公事韓則順罷鄜延路管句蕃部公事長編卷二百三
元年十二月丙

午載四年六月事今不取案長編注既云四人蓋追記治平
四年六月事今不取案長編注既云四人蓋因人不以為
富載四年六月事今據原注附此罷四人蓋因人不以爲
便而從呂誨疏也誨疏見長編九朝編年備考六月罷
陝西內
鈴轄

續宋編年資治通鑑六月以趙抃知諫院抃疏以
任道德重輔弼別邪正去侈心信號令平賞罰謹幾
密備不虞勿數赦容諫諍十事又言呂誨傳堯俞范
純仁呂大防趙鼎馬戡皆骨鯁敢言久譴不復
又論五費謂宮掖宗室官濫兵冗士木之費多見納
用案太平治迹統類云龍圖閣直學士戶部郎中趙
抃知諫院提舉萬壽觀既見上謂卿匹馬入川以一
琴一鶴自隨爲政簡易稱是邪人言獨處室中有一
龜效其服氣故也前此自蜀遠歸者多歷省府官大
臣以爲言上曰用抃爲諫官賴其言何必兩府乎抃
乃獻是疏續宋編年資治通鑑於熙寧二年五月載
抃自成都還以龜鶴白隨云云下又按上疏論呂誨
傅堯俞范純仁呂大防趙鼎馬戡皆骨鯁云云
殊與此複今姑存此以備考宋史本紀九月與張方
平政事

朝者皆罷內職獨句當御藥院高居簡等四人留如故
天章閣待制孫思恭嘗以爲言上曰居簡有功思恭退
詢於人云劉庠之建儲也居簡覘見太子二字急報上
於潁邸及英宗升遐居簡亟出召二府中宮聞之怒詰
居簡曰太子合召之又於懷中探黃衣以被上體此上
所謂有功者也思恭復奏疏陛下先帝之嫡長子當爲
嗣者非陛下而誰居簡當先帝大漸之時已懷二心私
自結納又矯稱太子之命召兩府以累陛下孝德此皆
當誅之罪奈何反以爲功上不聽司馬光奏言案傳家
居簡劄子凡五篇此第一劄子也前半紀事節去據集
中所載云臣聞古人有言堂上不黨則郊草不曠曠芸
言近者不治則不暇及高居簡資性姦回工讒善佞久
遠也竊見句當御藥院處近職罪惡甚多臣謹按祖宗時句當御藥院官至內

殿崇班以上即須出外蓋以日月寢久官資稍高則防

其憑恃威靈竊弄權柄遠鑒漢唐之禍深為子孫之慮

故也陛下即位之初內臣以覃恩遷官者盡補外職獨

留御藥院四人天下首以此一事譏陛下之失況居簡

於眾人之中最為狡猾案傳家集此下有云陛下特加

聖德臣職在糾伏望遵祖宗舊典應句當御藥院官至

崇班以上者盡授以向外差遣其高居簡乞遠加竄逐

以解天下之惑子系傳家集言高居簡第二劄子第三劄

曾上言句當御藥院高居簡不載據集善按乞遠加竄逐未

蒙施行昔周公庶政戒成王至虎賁衣趣馬小尹

左右攜僕百司御僕從罔匪正人又曰慎簡乃僚無以

巧言令色便媚其惟吉士僕臣正厥后克正僕臣諛厥

后自聖自古聖帝明王雖左右小臣未嘗不謹擇端良

之人以自防逸豫之生況陛下如居簡者旦夕常在左右

惡興衰於此乎分而使讒佞如下居簡者旦夕常在左右

又寵而信之此乃異日禍亂之根腹心之疾也臣職在
去邪不敢不此乃異日禍亂之根腹心之疾也臣職在
御藥院官至崇班以上言伏望聖明依祖宗舊制應句當
竄逐第三工上殿劄子云臣近曾兩外其高居簡仍乞遠加
高居簡工上殿劄子云臣近曾兩外其高居簡仍乞遠加
簡頭在先朝已竊弄權柄依憑城社誅竄以聖明物論居
洵切齒側目及陛下繼統必謂首行誅竄以聖明物論居
意於先帝之時多端先自結於陛下無不憤懣深為陛下
過方今帝侍之臣朝小公忠之慎可以無不憤懣深為陛下
之勝數內侍之臣朝小公忠之慎可以無不憤懣深為陛下
可勝數內侍之臣朝小公忠之慎可以無不憤懣深為陛下
譏謗獨保護下足簡堅如金石臣竊惑之伏望聖慈取臺
諫官前後所居簡堅如金石臣竊惑之伏望聖慈取臺
之義順合眾心其餘當御藥院所治其罪以彰官至公
內殿崇班以上並又言案此劉子也紀事於前高居簡
授以節據外差遣並又言案此劉子也紀事於前高居簡
有剛節自先帝時竊弄權柄累日前上殿言句當御藥院
高居簡自先帝時竊弄權柄累日前上殿言句當御藥院
德之累乞治其罪簡以下許道臣送樞密院施行至今未
聞有指揮不知其罪簡以下許道臣送樞密院施行至今未
簡所能止於讒佞者不過巧言令色希意迎合快人
主之欲以市其權使人主溺於荒晏而不自知也讒者

不過離人君臣閒人骨肉惑人主之心以固其恩使人

主陷於傾危而不自寤也有是二者又可近乎案傳家

有云曷使陛下即位歲久功業已成而有護佞之臣始

得幸天下有識者猶當寒心何則知其必為禍亂之階

也況今初承大統當銳精求治之時而遽留居簡於左

右仍加寵信根蒂已牢則異日之憂可勝道哉此臣所

以不避死亡而或聞陛下欲待居簡自求引退案傳家

必當力爭者也臣誠驢愚未曉所謂若國之大臣耆年有德聞

後遺去臣誠驢愚未曉所謂若國之大臣耆年有德聞

望素高一旦偶有小失未為外人所知陛下務存終始

使自引去以全其名則可矣案傳家集此下有云其挾

若案傳家集此下有云其挾居簡閨闈小臣罪盈惡積所宜肆諸市朝宣

示中外以戒儉人而尚足為之隱乎紀事本末卷五十

有云且居簡姦邪播聞遠近陛下今日雖為之隱天下

耳目庸可蔽乎凡居簡所以能為惡者以其自託宮禁

譬如孤鼠依憑城社彼惟恐離去左右豈肯自陳求退

乎伏望陛下盡出羣臣前後所言居簡事狀送居簡付

所司明治其罪以彰至公之道同集朝中又載言高居簡第
五上殿知臣不肖使邪正不可道中丞臣猶次上言句當
陛下院高錄臣實無善佞御史寵信置於左右所言無
御藥不蒙省姦邪若以顏尚居風憲則臣爲拙直
則居難兩留況臣守官京師十有八年除一月外先帝時
陳乞勢難任伏望聖慈罷子謂臣連平四年六月十一日
案傳家集於第一割子連治平四年六月十一日
事以第一割子連治平四年六月十一日
丑朔戊寅乃初二日割子連治平四年六月十一日
割子連治平四年六月十一日
日上下注云當五日割子連治平四年六月十一日
編年資治通鑑熙寧五年二月割子連治平四年六月十一日
姦邪一乞遠竄於熙寧五年二月割子連治平四年六月十一日
客非萬人言章五上無手詔問所從知光論參考又子乃癸巳
言爲罪萬一言章五上無手詔問所從知光論參考又子乃癸巳
人爲門祗候之光言國初草創天宮步邸官無臣昭選等四
必以舊文臣爲腹心耳目謂之草創龍步尚艱故即位之
祗候在熙寧二年殊課可斷高郭爲之乎考編年法也
集載於熙寧二年殊課可斷高郭爲之乎考編年法也
選事移載於熙寧二年殊課可斷高郭爲之乎考編年法也
據傳家集附錄之集言郭昭選於郭子云臣竊聞陛下今

下不所楚而保閒賤三昨誰此況不候省班吏考哉初眾歸
魁可因有北乃而恩隸者除不書車同祖有行一之乃必言時
柄陞告昭轅也其之相叨治史臣謂其諸所功為超亮時擢左
須下昌選也今官是繼美之中而啟餘吏臣養小已謂未得已
決之於入新臣爵慢罪無是官上上於東者眾閣以心乃龍
聖昌言除所區賞罰也賞也人也易以官所大統皆役班序
心王得問以其賞罰也賞也人也易以官所大統皆役班序
昌但此門區區進如陛下始明著如高勞而昭選言狹矣之
王當特祇候言者將初明著如高勞而昭選言狹矣之
亦極旨未乞賜追寢貼黃或此尤為
不當友知虛的寢貼黃或此尤為
關愛至的寢貼黃或此尤為
預至的寢貼黃或此尤為
陞官審或黃或此尤為
下爵或黃或此尤為
亦刑如或黃或此尤為
不當賞此尤為
聽陞為選已適治向之以臣

從如此則兄弟之恩全君臣之分正漢館陶公主為子
求郎明帝不許賜錢十萬曰郎官上應列宿出宰百里
有非其人民受其殃是以難之
詔中外臣庶限一月

條陳差役利害以聞

紀事本末卷七十一案初詔在六月辛未此詔又立一月限也

壬午司馬光對延和殿又極言高居簡上曰耐廟畢自

當去光曰閨闈小臣何繫山陵先後彼知當去而置肘

腋尤非所宜舜去四凶不為不忠仁宗貶丁謂不為不

孝上命留劄子光請以付樞密院上從之

紀事本末卷五十八

癸巳高居簡為供備庫使罷御藥院司馬光屢劾居簡

上雖以章付樞密院猶未施行光言與居簡難兩留求

外郡請對呂公弼曰光今日必決去就時光立殿下上

指之曰已來矣公弼曰陛下欲留居簡必逐光欲留光

必逐居簡居簡內臣光中丞願擇其重者上曰今當如

何公弼曰罷其御藥優遷一官可矣上命與供備曰光得毋復爭公弼曰待光上殿但諭以居簡已出矣光必自止上從之光因曰凡左右之人不須才智但令謹樸小心不爲過斯可矣紀事本末卷五十八案編年備要藥院宋史高居簡傳云歷領龍圖天章寶文閣司幹當御藥院神宗馬光亦言其久處近職舉惡已多祖宗舊制容中丞司馬云於是罷爲供備使稍遷帶御器械進內侍押班以文思使領忠州

乙未著作佐郎三司檢法官呂惠卿編校集賢院書籍惠卿南安人與王安石雅相好安石薦其才於曾公亮公亮遂舉惠卿館職紀事本末卷六十一案畢氏通鑑云惠卿晉江人也己丑龍圖閣直學士趙抃天章閣待制陳薦同詳定中外臣庶所言差役利害紀事本末卷七十

續宋編年資治通鑑秋七月詔明堂奉英宗祀案宋
史本紀辛卯告英宗憲文肅武宣孝皇帝謚於天地
宗廟社稷王辰上寶冊於福甯殿畢氏通鑑云秋七
月庚辰翰林學士承旨張方平等言本朝典禮循唐
之舊真宗仁宗皆祀於明堂以配上帝今季
秋大饗明宗致仕先是大行皇帝配上帝依
又宇文之邵致仕先是大行皇帝配上帝依
司官而歸緇高價使縣配邵為曲水縣令歲饑轉
罷官而卒司馬光又上書言事不報乃致其仕屏居
年而視富貴如土芥今吾聞志不行故祿位如錙銖
同丙午文州曲水縣令字文之邵見之案宋史本紀
閏考是月丁丑朔則上書曰吾已不在七月三十日
通鑑云書奏不報喟然曰吾不可仕矣遂以內子畢氏
允致仕然則致仕報喟然曰吾不可仕矣遂以內子畢氏
宋編年資治通鑑誤繫之此日吾已不在七月三十日
之邵書見宋文鑑其書云然致仕初即大位念萬世無
疆之業詔求闕失開闕言路可謂主矣易家世人之
初九日閑有家悔亡九處者常在初當端其本以保
終吉民之機所以望而不慎也效昔成湯既沒伊尹
以此安危之祖戒之曰可不慎也效昔成湯既沒伊尹
厥命惟以祖戒之曰可不慎也效昔成湯既沒伊尹
矣宋之有國百有餘年陛下為德罔不在初而享之固
宜

迹其所得之艱難夙一夜危栗以勤負荷三
武太宗之精文真宗則見五天聖於前則見於大慈仁
宗之堂食則見於杯杓之閒詩曰天難諶斯言天坐不
見於堂食則見於杯杓之閒詩曰天難諶斯言天坐不
可不畏也去歲穀價踊貴重以兩近者畿甸遠者西河
京東蝗蔽野穀價踊貴重以兩近者畿甸遠者西河
尤爲彫敝臣竊恐涇蒲之盜或貽宵旰之憂京西民
計不遇多驚爵以恐涇蒲之盜或貽宵旰之憂京西民
民終非計也願令被災之仕部許富者舉僧以奪可
給以一質驗待豐資者引咎樂爲通者死官治之其
過教矣陛下有餘責躬亦樂爲通者死官治之其
吏而召乖怨之政罷者舉更之省勦此則天役凡所
政而興勢利離合器皿夏衣服窮於侈麗紳士不塞
化而興勢利離合器皿夏衣服窮於侈麗紳士不塞
節以興勢利離合器皿夏衣服窮於侈麗紳士不塞
於軌制姦聲亂色盈溢耳目衢巷之中父兄室下
敢肩隨孰謂王法以之禁節而風俗磨切於此
思所以澄源爲之法以之禁節而風俗磨切於此
而都下亦少爲之禮節而風俗磨切於此
具一加遇絕凡侍從禁濫去僂薄之弊淫穢敗
宅其任以允清議古之求賢者數路以取之
罰厚其禮命惟恐其去也而避之者臣諫於其
閉門而不納者有踰垣而避之者臣諫於其

不聽則去之其至於郊也君必使人要之
致其辭三君不聽則必於郊也君必使人
者有辭三君不聽則必於郊也君必使人
患不能塞之耳科防日灌園者今日日
日峻猶有假名字以竊官號匿苦塊之
少者增齒以希蚤仕老者決蕩然莫之
之壤塞其穴又一穴又決蕩然莫之
致仕著其令矣又患其去之速令止也
察而猶不知止者甚可痛也陛下益稍
待士之意示之以至廉去歲使衣冠者
幾風教之美少奇算守邊無良將臣竊
至大廟堂無奇算守邊無良將臣竊
慶厯開緣堂之民不帶者七年國用大
沒而功不常成者陛下知其然乎其患
而我兵常分屯堡戍則兵亡慮二十萬
百餘寨分屯堡戍則兵亡慮二十萬
之來也一大則六監軍與角戰者幾發
邊城一面受敵則所集眾寡不敵我則
各有所守不可會集眾寡不敵我則
至賊又已去今賊常以寡兵擊我散兵
敵之眾當其鋒此慶厯之合兵也今不
又將覆也觀今之勢其能入賀蘭不改
爲我直持其巢穴乎臣不能也計今之
進軍直持其巢穴乎臣不能也計今之

若詔諸道分勒所部將卒以爲符尺籍而規畫之若
以爲守若分勒所部將卒以爲符尺籍而規畫之若
兵相近而駐於喉吭之地則可應猝而不失機會也
聲援以蠻夷攻蠻夷計之上也精亦宜厚其種族共爲
羌是也其俗隨水草遷徙食肉衣皮毛無堅甲利刃扶
臨陣擊刺之技不及於他夷仰給之民歲苦重役者我
與之通者亦特以馬足以來則使陰平之費公私之財甚
多而所入之馬不歲反有備國乘之不足給以費公私之
羌非不厚也而馬不歲反有備國乘之不足給以費公私之
且安昌之羌與南路磨達羅多留翳林諸寨之民切齒
也今閉安昌之路禁其出入而諸寨之馬貿易如故一
是又何異一室而多門然者杜其前而關其後乎臣和講
所管萬戶而不敢犯邊而去歲火我三寨驅殺士卒國
家以奉西北虜者勢不得不已也今我三寨驅殺士卒國
無厭之求乎臣愚以爲不得已也今我三寨驅殺士卒國
絕市無用之馬益莫急於農旅之兵列寨路使不得入而
安矣爲政所重莫急於農旅之兵列寨路使不得入而
食繫其身之損益也長授民者何則得食不耕則邊民
厚其生者百之損益也長授民者何則得食不耕則邊民
者人君之公也詩之曰曾孫來止以慰婦子官以勸課之
田畯至喜此天子之勸農也又曰嗟嗟保介惟莫之畝

春亦以又何求如新畬此諸侯之勸農也
守皆以勸農爲最不言之似迂而富國之良術也
以農政爲殿最而千治者臣知其由也
政類多因循而不甚治郡不能興利除害
得盡其才固也里之不能與利除害受命於郡
守也百達天子之邑不詔條而違按察之命
之吏詔違天子之詔而違按察之命
子之吏詔違天子之詔而違按察之命
也今一伍之長一卒而正以法不治其命
所爲也今伍之長一卒而正以法不治其命
之民習知其勢之弱而不畏服願其教令
益多也臣願精選之弱而不畏服願其教令
實效庶有至忠不聞焉凡臣之望假守令
也然臣尙有治者善醫也夫居憂而極言
疾未兆而先治者善醫也夫居憂而極言
情之常也今陛下處善則諒也夫居憂而極言
紛華之事交戟於前誠能諒也夫居憂而極言
微杜漸以克己復禮使誠能諒也夫居憂而極言
物亦無以勝其習成之性也伯益之戒舜雖有
逸罔淫於樂傳說之戒高宗曰無以逸豫
夫舜起於耕稼陶漁之戒高宗曰無以逸豫
而二臣猶或以此戒之況陛下下生富貴
則安可不豫爲之防哉願陛下聽政之閒
之士講明古訓究觀敗亡之主以自艾
之

吝謀故老則恐懼修省習而成性矣臣誠私憂過計
三載變除之後永厚陵土漸乾而陛下憂悼之心又
已衰殺龍衰冕憑玉几目有靡曼之色耳有要妙之
聲凡所以娛意者畢奏於前自非信道之深孰得而
禦哉老子曰塞其兌閉其門
終身不勤正在於今日也

續資治通鑑長編拾補卷一

仁和張大昌輯注